



Nukilan:
Amir Haikal Imran Ahmad Asha'ari
Guru Bahasa
Pusat Bahasa Moden (PBM)
Universiti Malaysia Pahang Al-Sultan Abdullah (UMPSA)



Karya Kreatif

Puasa Berjauhan, Ibadah Berdekatan

Semakin sunyi meja terbuka,
tanpa tawa yang biasa bersahut,
semakin jelas gema rindu,
berlayar di ruang dada,
mencari makna sabar-Mu.

Di kota yang berbeza langitnya,
azan tetap mengalun,
pada detik yang sama,
walau tangan tak lagi bersentuhan,
doa kami bertemu,
di langit yang satu.

Sewaktu langkahku meniti hari,
dalam jarak yang memisah tubuh,
aku belajar,
bahawa dekat bukan sekadar duduk sehampar
sejadah,
tetapi hati yang tunduk,
pada kiblat yang sama.

Kadang rindu menyelinap
seperti lapar yang menguji,
kadang air mata jatuh,
lebih deras dari hujan petang,
namun dalam diam itu,
aku temui ruang reda,
yang tak pernah jauh.

Rabb,
jika puasa ini mengajar erti kehilangan,
jadikan ia juga,
madrasah kesyukuran.

Jika kami berjauhan pada pandangan mata,
satukan kami,
dalam saf doa yang tak terputus,
dalam sujud yang berlapis harapan,
dalam iman yang makin mendekat,
meski tubuh terpisah sempadan.

Kerana akhirnya,
yang memaut bukan jarak,
tetapi takwa,
yang menumbuhkan cahaya,
di antara hati-hati,
yang saling percaya.



Kejuruteraan • Teknologi • Kreativiti

Study@UMPSA

[Creative Work](#)

Puasa Berjauhan, Ibadah Berdekatan

26 February 2026

- 17 views

[View PDF](#)